



Broj: 01-1-42/20
Sarajevo, 18.06.2020. godine

Na osnovu člana 7. stav. 1. Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“, („Službene novine Kantona Sarajevo“ broj 9/04 – Prečišćeni tekst, 22/04, 31/07 i 33/07 - Ispravka), člana 11. i 13. Statuta Fonda („Službene novine Kantona Sarajevo“ broj 27/06 i 13/08) Upravni odbor je na svojoj II sjednici održanoj 18.06.2020. godine donio Odluku kojom se raspisuje

KONKURS

Za izbor i imenovanje direktora/direktorice Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“

Opis poslova:

Izvršava odluke Upravnog odbora; priprema, predlaže i provodi projekte Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“ (u daljem tekstu: Fond); rukovodi radom Fonda; predlaže Upravnom odboru donošenje općih i pojedinačnih primanja uposlenika Fonda; odgovara i stara se o pravilnom i zakonskom materijalno-finansijskom poslovanju Fonda; rukovodi stručnim i administrativnim poslovima Fonda; vrši i obavlja druge poslove i zadatke u skladu sa zakonom, odlukom o osnivanju i Statutom Fonda.

Direktor/direktorica Fonda „IKRE“ imenuje se na period od četiri (4) godine.

Kandidat mora ispunjavati sljedeće opće uslove:

- Da je stariji od 18 godina (dokaz: izvod iz matične knjige rođenih)
- Da je državljanin Bosne i Hercegovine (dokaz: uvjerenje o državljanstvu)
- Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije (dokaz: izjava potpisana i ovjerena od strane nadležnog organa)
- Da se na tog kandidata ne odnosi član IX. 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa)
- Da nije osuđivan za krivično djelo i za privredni prestup nespojiv sa dužnošću direktora/direktorice i da se protiv njega ne vodi krivični postupak (Uvjerenje će se tražiti službenim putem za izabrane kandidate).

Pored gore navedenih općih uslova predviđenih zakonom, kandidati koji se prijavljuju na konkurs moraju ispunjavati i posebne uslove utvrđene Pravilnikom o unutrašnjoj organizaciji sistematizaciji:

- VSS / VII stepen stručne spreme, odnosno visoko obrazovanje I ciklusa Bolonjskog sistema studiranja koje se vrednuje sa 240 ECTS studijskih bodova ili drugog ciklusa Bolonjskog sistema studiranja, završen Ekonomski, Pravni ili Filozofski fakultet–odsjek historije, pedagogije i psihologije

(Fakultetsku diplomu, nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine),

- Najmanje 6 godina radnog staža u struci (Uvjerenje o radnom stažu u struci),
- Iskustvo od tri godine na rukovodnim poslovima i zadacima (dokaz: rješenje ili drugi akt koji dokazuje imenovanje na rukovodeću poziciju)
- Poznavanje rada na računaru (dokaz o poznavanju rada na računaru),
- Poznavanje jednog stranog jezika (dokaz o poznavanju stranog jezika)

Dokumenti kojima se dokazuje ispunjavanje općih i posebnih uslova ne mogu biti stariji od šest (6) mjeseci.

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju općih i posebnih uslova traženih konkursom.

Konkurs za dostavljanje prijava sa dokazima o ispunjavanju traženih uslova ostaje otvoren petnaest (15) dana od dana posljednjeg objavljivanja.

Konkurs će biti objavljen u dnevnom listu „Dnevni avaz“ i „Službenim novinama FBiH“ .

Nepotpune i neblagovremene prijave neće ne uzeti u razmatranje.

Prijave lično ili putem pošte preporučeno dostaviti na adresu:

Fond Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“, ulica Terezija bb, Sarajevo (uz obaveznu naznaku: „Za konkurs za izbor i imenovanje direktora/direktorice Fonda „IKRE“ – ne otvaraj).

NAPOMENA: Podnosioci prijava sa kojima se ne stupi u kontakt u roku od osam (8) dana od dana isteka roka za podnošenje prijava, neće biti uzeti u razmatranje u daljem postupku izbora i imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Izabrani kandidat (imenovani) dužan je Fondu „IKRE“ dostaviti uvjerenje o radnoj sposobnosti (ljekarsko uvjerenje) kao dokaz da je zdravstveno sposoban za vršenje poslova predviđenih ovim položajem.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“ broj 49/06; 76/11 i 89/11-spravka).

VD PREDSJEDNIK UPRAVNOG ODBORA

Velid Imamović

Address: Terezija bb, Sarajevo 71 000, Bosnia and Herzegovina
Tel/fax. ++387 33 **444-520**;
Tel./fax. ++387 33 **200 310**,
E-mail address: ikre.sarajevo@gmail.com

